

Кітап – даналыққа бастар жол

**Кітап атаулы досы
бола бастаған шақтан
былай ғана әрбір жан
өзін интеллигент бола
бастадым деп санауына
болады деп, - Мұхтар
Әуезов айтқандай,
кітап оқу – адамның
көкжиегін кеңейтіп,
ой-өрісін дамытатын
маңызды құрал.**

Осыған орай, кітап сүйер қауым үшін «Оқы және Жең» байқауы – өз білімінді сынап, жаңа жетістіктерге жетудің тамаша мүмкіндігі.

2024 жылдың шілде айында өткен Ұлттық құрылтайдың үшінші отырысында Мемлекет басшысы Қасым-Жомарт Кемелұлы Тоқаев кітап оқудың жоғары мәдениетін қалыптастыруды тапсырды. Осыған орай, Қазақстан Үкіметі 23 сәуірді «Ұлттық кітап күні» ретінде белгілеу туралы шешім қабылдады. Бұл бастама қоғамда кітап оқуға деген қызығушылықты арттыруға бағытталып отыр. Осы орайда облыс әкімдігінің қолдауымен бастау алған, Л.Н. Толстой атындағы облыстық әмбебап ғылыми кітапханасы ұйымдастырып отырған оқырман қауымның әдеби шығармаларды оқуға деген қызығушылығын арттырар «Оқы және Жең» онлайн байқауына атсалысайық.

1 ақпанда III облыстық

«Оқы және Жең» онлайн кітап оқу байқауы басталды. Байқау қазақ және орыс тілдерінде үш жас санаты бойынша өткізіледі.

10 жастан 14 жасқа дейін

15 жастан 18 жасқа дейін

19 жас және одан жоғары.

Байқауға <http://kitap10.kz> сайты арқылы тіркеле аласыздар.

Бүгінгі жаһандану заманында технологиялар қарқынды дамып, ақпарат тасқыны күшейгенімен, кітаптың маңыздылығы ешқашан жойылмайды. Электронды кітаптар мен интернет-ресурстардың қолжетімділігіне қарамастан, баспадан шыққан кітаптың құндылығы ерекше.

Қорытындылай келе, кітап – адамның ең сенімді серігі, ақылшы досы дегім келеді. Кітап оқуды әдетке айналдырған әрбір адам білімді, мәдениетті, ой-өрісі кең тұлға болып қалыптасары сөзсіз. Ендеше, сүйікті кітабымызды қолға алып, «Оқы және Жең» байқауына қатысуға асығайық! Байқаудың жеңімпаздары дипломдармен және ақшалай сыйлықтармен марапатталады. Барлығыңызға сәттілік!

Жұлдыз ӘБЖАНОВА,
облыстық №2 әмбебап ғылыми кітапханасының ақпараттық-библиографиялық қамтамасыз ету бөлімінің меңгерушісі